

Broj: P-4040-2/20
Sarajevo, 30.1.2020.

ODLUKA
O
IZMJENAMA I DOPUNAMA STATUTA KJKP „PARK“ d.o.o. Sarajevo

Januar 2020. godine

Tel. Centrala: +387 33 560 560;
Direktor: +387 33 560 570, 201-977;
Fax: +387 33 560 561; 201-977;
E-mail: info@park.ba;
www.park.ba

Općinski sud u Sarajevu
Broj sudskog registra UF/I-2558/05
Porezni broj: 01071306;
Matični broj: 20379383;
Matični registracioni broj: 1-566

NLB Banka 1322602019095668;
UniCredit bank d.d. 3386902212020028;
Raiffeisen bank d.d. Sarajevo
1610000008150048;
Turkish Ziraat bank Bosnia d.d. Sarajevo
1860001022085047

Na osnovu člana 234. tačka p) i člana 310. stav (1) Zakona o privrednim društvima („Službene novine FBiH“, broj 81/15), člana 6. Zakona o javnim preduzećima u FBiH („Službene novine FBiH“, br. 8/05, 81/8, 22/09 i 109/12), člana 5. stav (2) Odluke o vršenju ovlaštenja u privrednim društvima s učešćem državnog kapitala iz nadležnosti Kantona Sarajevo („Službene novine KS“, broj 31/19), člana 5. Odluke o izmjenama i dopunama odluke o usklađivanju statusa javnog komunalnog preduzeća „Park“ s p.o. Sarajevo sa Zakonom o javnim preduzećima u FBiH („Službene novine KS“, broj 45/19), člana 31. Statuta KJKP „Park“ d.o.o. Sarajevo, broj: P-3592-1-1-A, od 30.11.2016., broj: 384-2-1, od 26.2.2019., i broj: P-2725-3/19, od 9.9.2019., i člana 6. Poslovnika o radu Skupštine KJKP „Park“ d.o.o. Sarajevo, broj: P-2528-1-5/19, od 15.8.2019., na 3. vanrednoj sjednici, održanoj 30.1.2020. godine, Skupština KJKP „Park“ d.o.o. Sarajevo donosi

ODLUKU
O
IZMJENAMA I DOPUNAMA STATUTA KJKP „PARK“ d.o.o. Sarajevo

Član 1.

(1) U Statutu KJKP „Park“ d.o.o. Sarajevo, broj: P-3592-1-1-A, od 30.11.2016., broj: 384-2-1, od 26.2.2019., i broj: P-2725-3/19, od 9.9.2019. (u daljem tekstu: Statut), član 20. mijenja se i glasi:

„Član 20.

- (1) Osnivač Preduzeća je Kanton Sarajevo.
- (2) U ime osnivača prava i obaveze vrši Skupština Preduzeća.
- (3) U ime osnivača ovlaštenja Skupštine Preduzeća u skladu sa zakonom i osnivačkim aktima vrši Vlada Kantona Sarajevo (u daljem tekstu: Vlada Kantona) putem punomoćnika u skladu s odlukom Skupštine Kantona Sarajevo.
- (4) Vlada Kantona Sarajevo će na prijedlog ministra Ministarstva komunalne privrede i infrastrukture Kantona Sarajevo ovlastiti punomoćnike koji će u ime i za račun Vlade Kantona vršiti ovlaštenja Skupštine Preduzeća, te utvrditi način izbora punomoćnika.
- (5) Punomoć se izdaje u pisanom obliku i s uputama o načinu vršenja ovlaštenja u procesu rada i donošenja odluka od strane Skupštine Preduzeća i mora sadržavati sve bitne elemente koje definiše Vlada Kantona posebnom odlukom u skladu sa zakonom.
- (6) Punomoćnici su dužni postupati u skladu s obavezujućim uputama Vlade Kantona odnosno ukoliko upute nisu dobili dužni su postupati savjesno s pažnjom dobrog privrednika i u skladu s razumnom prosudbom najboljeg interesa Kantona Sarajevo kao osnivača.
- (7) Izuzetno od stava (6) ovog člana punomoćnici ne mogu postupati bez obavezujućih uputa Vlade Kantona u sljedećim slučajevima:
 - a) prilikom odlučivanja o povećanju ili smanjenju osnovnog kapitala;
 - b) prilikom usvajanja godišnjeg izvještaja o poslovanju Preduzeća koji uključuje finansijski izvještaj i izvještaje revizora;

- c) pri kupovini, prodaji, zamjeni, uzimanju ili davanju u lizing, uzimanju ili davanju kredita i drugim transakcijama imovinom;
 - d) prilikom izbora i razrješenja članova Nadzornog odbora pojedinačno;
 - e) prilikom izbora i razrješenja članova Odbora za reviziju.
- (8) Vlada Kantona, vlastitom odlukom ili na zahtjev Skupštine Kantona Sarajevo, može opozvati punomoć ili umjesto već date punomoći dati novu punomoć najkasnije do održavanja Skupštine.
- (9) Ukoliko Vlada Kantona Preduzeću u periodu od sedam dana od dana održane Skupštine dostavi akt kojim pobija valjanost punomoći na osnovu koje je punomoćnik učestvovao u radu i odlučivanju Skupštine, nadležni organ Preduzeća proglasiti će nevažećim glasove na osnovu te punomoći i o tome pismeno izvijestiti sazivača Skupštine.
- (10) Sazivač Skupštine dužan je obustaviti od izvršenja odluku za čije donošenje su bili odlučujući glasovi na osnovu punomoći iz stava (9) ovog člana i sazvati Skupštinu radi ponovnog odlučivanja o tim pitanjima, najkasnije 30 dana od dan prijema obavijesti nadležnog organa Preduzeća.
- (11) U slučaju da više punomoćnika vrši ovlaštenja skupštine Preduzeća na prvoj sjednici Skupština bira jednog od punomoćnika za predsjednika Skupštine.
- (12) Punomoćnici imaju pravo na naknadu za svoj rad koja se utvrđuju u skladu sa zakonom.“

Član 2.

Iza člana 20. dodaje se novi član 20a. koji glasi:

„Član 20a.

- (1) Za punomoćnika može biti imenovano lice koje ispunjava sljedeće opće uslove:
- a) da je državljanin Bosne i Hercegovine;
 - b) da je stariji od 18 godina;
 - c) da nije osuđivan za krivično djelo i za privredni prestup nespojiv s dužnošću Skupštine, pet godina od pravosnažnosti presude, isključujući vrijeme zatvorske kazne, i da se protiv njega ne vodi krivični postupak;
 - d) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije;
 - e) da se na tog kandidata ne odnosi član IX . 1. Ustava Bosne i Hercegovine;
 - f) da nije u sukobu interesa u smislu Zakona o sukobu interesa u organima vlasti Federacije Bosne i Hercegovine („Službene novine Federacije BiH“, broj 70/08).
- (2) Pored navedenih općih uslova iz stava (1) ovog člana za punomoćnika može biti imenovano lice koje ispunjava i sljedeće posebne uslove:
- a) da ima visoku stručnu spremu VII stepena, odnosno visoko obrazovanje prvog ili drugog ili trećeg ciklusa Bolonjskog sistema studiranja;
 - b) da ima višegodišnje iskustvo u radu;
 - c) da posjeduje znanje i sposobnosti razumijevanja poslovnih izvještaja i poznavanje propisa koji se primjenjuju na rad i poslovanje kantonalnih javnih preduzeća;
 - d) da posjeduje sposobnost za savjesno, odlučno i odgovorno obavljanje povjerene funkcije;

- e) da posjeduje sposobnost nepristrasnog donošenja odluka;
- f) da je naklonjen timskom radu;
- g) da ima pozitivne rezultate u radu ostvarene tokom karijere;
- h) da nema privatni finansijski interes u Preduzeću;
- i) da nije direktor ili član Uprave ili Nadzornog odbora u Preduzeću u koje se kandiduje;
- j) da nije član upravnog ili nadzornog odbora u drugom preduzeću ili instituciji.“

Član 3.

Iza člana 20a. dodaje se novi član 20b. koji glasi:

„Član 20b.

(1) Preduzeće je obavezno Vladi Kantona Sarajevo odnosno resornom ministarstvu dostaviti poziv za Skupštinu s dnevnim redom i materijalima za svaku tačku dnevnog reda .

(2) Vlada Kantona može, ukoliko postoji interes, punomoćnicima dati obavezujuće upute za odlučivanje po jednoj ili više tačaka predloženog dnevnog reda odnosno uputu za dopunu predloženog dnevnog reda sjednice Skupštine Preduzeća.

(3) U situacijama kada se donose odluke iz člana 20. stav (7) Statuta, kao i u svim drugim slučajevima kada resorno ministarstvo ocijeni svrsishodnim davanje obavezujućih uputa punomoćniku/cima za odlučivanje po pojedinom pitanju, resorno ministarstvo dužno je dati prijedlog Vladi Kantona za odlučivanje po predmetnim tačkama.

(4) U cilju praćenja odlučivanja u Skupštini Preduzeća, Preduzeće je dužno najkasnije u roku od tri dana od dana održavanja Skupštine izvijestiti Vladu Kantona putem resornog ministarstva o donesenim odlukama.

(5) Resorno ministarstvo dužno je izvršiti procjenu donesenih odluka, te ukoliko utvrdi da iste mogu biti na štetu Preduzeća ili su donesene suprotno obavezujućim uputama Vlade Kantona za odlučivanje, predložiti će Vladi Kantona da donese odluku o suspenziji izvršenja takvih odluka.

(6) Vlada Kantona će suspenziju izvršenja odluka iz prethodnog stava vršiti putem Preduzeća po proceduri propisanoj Odlukom o vršenju ovlaštenja u privrednim društvima s učešćem državnog kapitala iz nadležnosti Kantona Sarajevo.“

Član 4.

(1) U članu 35. iza stava (2) dodaje se stav (3) koji glasi:

„(3) Za predsjednika i člana nadzornog odbora ne može biti imenovano lice za koje postoje zapreke iz člana 248. Zakona o privrednim društvima („Službene novine Federacije BiH“, broj 81/15).“

(2) Dosadašnji stavovi (3) i (4) postaju stavovi (4) i (5).

Član 5.

(1) U članu 41. iz alineje 24. dodaje se alineja 25. koja glasi:

„- odlučuje o prigovoru kandidata na odluku – obavijest o prijemu u radni odnos po javnom oglasu;“

(2) Dosadašnja alineja 25. postaje alineja 26.

Član 6.

U članu 54. iza riječi „odredi direktor Preduzeća“ tačka se mijenja zarezom i dodaju se riječi: „a što se utvrđuje posebnim rješenjem koje donosi direktor Preduzeća.“.

Član 7.

Ostale odredbe Statuta ostaju neizmjenjene.

Član 8.

Svi interni akti KJKP „Park“ d.o.o. Sarajevo čije su odredbe u suprotnosti s odredbama ove odluke uskladiti će se u roku od 30 dana od dana donošenja ove odluke.

Član 9.

Odluka stupa na snagu danom donošenja i objavit će se u „Službenim novinama Kantona Sarajevo“, na web stranici i oglasnoj ploči KJKP „Park“ d.o.o. Sarajevo.

Broj: P-4040-2/20
Sarajevo, 30.1.2020.

PREDSJEDNIK SKUPŠTINE
KJKP „Park“ d.o.o. Sarajevo



Senad Kapo